

(6)

OBWAKABAKA BWE BUGANDA.

E T E K A.

ETEKA ERONGOSEZA ETEKA LYA BUSULU NE NVUJO. 1934.

LITEKEDWA HIS HIGHNESS KABAKA WE BUGANDA ERA AWAMU N'OKUTESA  
KW'OLUKIKO LW'OBWAKABAKA BWE BUGANDA ERA AWAMU NO KUKIRIZA  
KW'EWKITIBWA GAVANA.

1. ETEKA lino linsitibwanga Eteka lya Busulu ne Nvujo  
Edongose elyomwaka 1934, era linaomerwanga wamu ne Teka lya Busulu ne  
Nvujo eryo mwaka 1927, erimanyidwa nga lye Teka ekulu.

2. Ekitundu ekyokune eky'Eteka ekulu mu lunyiriri olwo  
musanvu nga omaze okusoma ekigambo "mwenge" kijuludwa nemuingizibwamu  
ebigambo bino "era nekuwa mukamawe ekita kyo mwenge ku buli muilo ekye-  
nkanankana ne Gallons 4 (nya), Era omukopi taganibwanga kuwa Shs-2/- mu  
kifo kyokuwayo ekita kyo mwenge".

Litekedwako omukono emengo lero kulunaku olwa 27<sup>th</sup>,  
olwomwezi gwa April, 1934.

DAUDI CHWA,  
KABAKA WE BUGANDA.

Ebaluwa ya D.C. yagiwandika 13<sup>th</sup> May 1938.  
yatakako June 2, 1938  
Laba omulamuzi amputa  
mamwezi guno okitomber  
okusomera esara lyamwebwa 1938  
wakaitawo ibanga lyamuzi mukaga b.

ETIKA ERIA BUSULU NE NVUJOF 1927.

YAKEDWA HIS HIGHNESS KABAKA WE BUGANDA AWAMU HOKUKIRIZA KWO LUKIKO OLWO-  
YAKABAKA BWE BUGANDA ERA HOKUKIRIZA KW'OWEKITIBWA GAVANA.

- 1, Eteka lino linaitibwanga "Eteka lya Busulu ne Nvujo erya 1927",  
lilitandika okukola ku lunaku olwa 1st, olwa January 1928.
- 2, Buli musaja yena awa omusolo ogwe mitwe owe kibanja oba atalina  
kibanja anaberanga ku taka lya Manyini Mailo, anawanga Obusulu obwa buli  
mwaka obwa Shs, 10/- era omukopi taganibwenga kukola namikono mukifo kya Shs-  
za Busulu okumara ebanga lya mwezi gumu.
- 3, Omukopi bwatawanga Obusulu bwa Manyini mailo anawawabilwanga mu  
Gombolola, buli mwaka omukopi tabanjibwenga Busulu nga tanaba kutukiriza  
bino ebimubanjibwa mung'eri eno: Okuwa omusolo ogwe mitwe twe, era n'Oluwalo,  
ku muntũ akirizibwa okusasula Shillings mukifo kyokukola ne mikono, naye  
bwanasusanga September 30, nga tenasasula Luwalo, Mukamawe ananga nobuinza  
okumubanja Busulubwe.
- 4, Okusasula kwa Busulu okwe kunawanga omukopi obuinja okwerimira  
kululwe ne kulwa bantube mu makege nga bwayagala, emere ne bibala ebyengeri  
endala yona, wabula ebyo ebyogedwako mu "Schedule" eyoluberyeberye mu Teka  
lino, era nokubitunda awatari kuziizibwa, era awatari kusasula kintu kirala  
nate, wabula okutukiriza ebyo ebimuragidwa mu Teka lino era nokusasula ekita  
kyo mwenge buli muilo, era bwekityo nekumituba egiri mu kibanjakye kunagibwan-  
ngako omutuba gumu ku buli mituba etano okukoma ku mituba ebiri, Naye kite-  
gerebwe nti omuwendo ogwe mituba omukopi gyarina bwegutawerenga etano tegu-  
gibwengako Nvujo.
- 5, Pamba, Enwanyi oba ebihala ebivamu amagoba ebyengeri endala  
ebinabanga biyingizidwa olusi nolusi mu "Schedule" eyoluberyeberye eye Teka  
lino bwebinarimibwanga omukopi ku kibanjakye kyenyini oba walala wona ku ta-  
ka lya Manyini mailo eyo, omukopi oyo anasasuranga ensimbi mukifo kye Nvujo  
omuwendo gwayo ogutekedwawe nga gugerageranyizibwa ne nfanana eye Saza eki-  
banja ekyo gyekirinx nga bwekiwandikidwa mu "Schedule" eyokubili eye Teka  
lino, naye obunene bwe take eririmidwako Pamba oba Enwanyi oba ebihala ebira-  
la ebivamu amagoba (nga bwekinyonyodwa wagulu) tebusukenga Eka emu.

Emisiri gya Pamba oba Enwanyi oba ebibala eginarimibwanga bwegiti:-  
bweginasukanga Eka emu obunene omuwendo omulala era oguwandikidwa mu  
"Schedele" eyokubiri gunasasuribwanga Nanyini mailo wabula kyoka okulima  
emisiri gya Pamba ne Nwanyi oba egye bibala ebirala ebivamu amagoba egisu  
ka Eka esatu obunene, ekyo kinabanga kyekutesa nokutabagana wakati wo'Muli  
mi ne Nanyini mailo, era ekyo tekifugibwanga Biragiro bya Teka lino.

7. Nanyini Mailo anawanga eTikiti eri omuntu asasude Busulu ne Nvujo,  
era nomulimu gwa mukorede nga bwekiri mu teka lino.

8. Tewari kigambo kyona ekiri mu ~~mbitundu~~ ebyo wagulu ekiwa omukopi  
obuinza okwazika omuntu omulala ekibanjakyeye oba ekitundu ekye kibanjakyeye  
olwokufuna amagoba.

9. Tewari kigambo kyona ekiri mu Teka lino ekigyawo obuyinza bwa  
Nanyini mailo nga omuntu yafuna etaka okugoberera Endegano 1900 wabula  
nga bwekimaze okutegezebwa mu Teka lino, naye kiragidwa nti:-

(a) Nanyini mailo anawanga Abakopibe awatari kubawozako  
kintu kirala nate, wabula Busulu bwoka, obuinza obwokulundiranga ebisolo  
byabwe mu mailoye, ne buinza ku Ng'ugo eteri nsime nokutema emiti (wabu-  
la emiti egyomuwendo omunene, era negyo nanyini mailo gyeyesimbira)  
nokutyaba enku era nokukozesa ebirala byona ku mailo nga bwekyakirizibwa  
Abaganda okukolanga ku taka lya Gavumenti Engeressa, nga bwekyaragenibwa mu  
Ndagano ze Bibila, naye kiragidwa wano nti ebyo bisana okukozesebwa munge-  
ri entufu era nobutakozesebwa mungeri eyokwefuniramu amagoba; era tewari  
miti gyona egyokuzimba eginatemebwanga wabula nga Nanyini Mailo amaze oku-  
tegezebwa.

(b) Nanyini mailo anekirizibwanga okuwoza kubye Nyanja ekitundu ekye  
lo, bwanabanga atukiriza Ebiragiro bya Mengota byona ebiragira okusawanga  
Ekyalo ne bifo ebivubilwamu, Naye kitegerebwe nti Nanyini mailo bwatainze-  
nga kureta abantu abokukola omulim ogwo anawebwanga ekitundu ekyokutano  
era ne Gavumenti Eng'anda enetwarangako ekitundu ekyo 5.

10. Omukopi kululwe ansuriranga Nanyini mailo nokumusamu ekitibwa nga  
bwekiri mumateka gensi nemu mpisa yensi, nadala omukopi kinamusansiranga  
mukisera kyona nga akwali ku taka okwo, era bwanabanga asenguka mukibanja-  
kye okukuma obulungi etaka namayumba nebyo byona ebiriko era byona ana-  
birekanga mu mbera anungi nga asenguka.

11. Tewari mukopi yena anayinzanga okugobebwa mu kibanjakyeye, wabula  
olwemiramu egyokugasa ensi oba olwensonga endala etegerekeka entufu, era  
nga amaze nokuwozesebwa mu Lukiko lwa Gombolola efuga ekitundu ekyo ekiba-  
nja gyekiri naragilwa okugobwa, era ekiragiro ekyokumugoba kinabanga mubu-  
wandike, era mu kopi satu, kopi emu enewebwanga Nanyini mailo, kopi endala  
enewebwanga.

newebwanga aye amukopi obanga ye tariwo enewebwanga amusigirewe, kopi endala eneterekebanga mu Hile yo musango; okujulila kwona okunarabikanga mu misang egyengeri eyo eyogedwako kunaitanga mungeri eyebulijo eyokujulila era nga amukopi akyajuride bwatyo okujurilakwe nga takunagwa anakirizibwanga okubera mu kibanjakye era nokutwara ebibarabye ebikungulwa okutusa ekiragiwo ekimura gira okuva mu kibanja bwekirifunibwa okuva mu Gombolola gyakomye okujulira oba ekisera kyokujulirakwe lwekirigwako nga tanajurila.

12. Omukopi bwanarekanga ekibanjakye nga kyerere okumala ebanga lya nyezi mukaga, nga temuli mukaziwe oba omuntu omulala era obanga teyafuna kukirizibwa okuva eri Nanyini mailo, era Nanyini mailo anabanga nobuinza oku gaba ekibanja ekyo eri omuntu omulala naye nga Nanyini mailo tanakigaba ana- maranga okwenjula ekigambo kino eri Owagombolola era Owagombolola anamaranga kumukirizanga nekumuwa ekiregiwo ekyekutekemu omuntu omulala, era eyali na- nyinikyo tawebwanga Ngesi mu Taka lino.

13. Gombolola bwenebanga ekola ekiragiwo ekyokugoba enemaranga ku- kebera nokwekanya ebintu amukopi byasana asasuribwe Nanyini mailo, oba okusa- sulwa oyo mu, era nebilala ebifanana nga ebye era singira ekibanja ekyo nga emiti gyeyesimbira kululwe, ameyumba agakyalu amaramu, era Gombolola enete- gezanga bulungi mukiragiwo kyenerabanga nga kyekisanira, era omuwendo gwona ogusana okusasula mungeri eyo, oba eneragiranga ekiragiwo mungeri eyo gunaba nga tegunasasuribwanga oba ekiragiwo nga tekinatukirizibwa ekiragiwo kyoku- goba tekibengako kyeinza kukola, Wabula bino wansi byebinakolebwanga nga kimaze okwekanyizibwa obulungi nokukeberewa Ababaka, omuwendo ogwo ogunabanga guragidwa okusasura nga bwakilagidwa wagulu gunasasuribwanga Nanyini mailo byanabanga avunana olwokwonona ekibanja oba olwenima'mbi oba olwemiti omu- kopi eyebamuwa okuzimbisa enjuye oba olwokumenya empisa yensi enungi ema- nyidwa munsonga eno, naye kyoka tewari kinagizanga mukopi okukungura mu kibanjakye Pamba ne Mwanyi ne bibale ebifanana bwebityo, wabula nga yamara'da- okusenguka.

14. Omukopi nga acikide ekibanja anerekebanga mu kibanja ekyo awa- tali kumugobanu nga empisa yensi bweli.

15. Okutunda oba okumuwanyisa oba okugaba mailo tekugyawo mirimu amukopi gyaragilwa okukola oba okujulula engeri gyarimu mu kibanjakye mu Taka lino oba mu mpisa yensi.

20

16. Tewari kigambo kyona mu Teko lino ekigyawo obuyinza bwa Gavumenti Engereza obo Gavumenti Eng'anda okugoba omuntu mu kibanjakye nga kibade kigidwa ku Nanyini mailo obanga kinweyazikiidwako olwemirimu egyokugasa ensi, naye okugoba bwekunabanga ku Gavumenti eng'anda Clukiko lunarsbanga eng'asi entufu neryoke amusasulibwa.

17. Ebikelwa bino ebinyonyedwa wansi anabikolanga azanga omusango mu Teko lino:-

A, Kului lwa'Omukopi byebino:-

- (a) Bwanagananga awatari nsonga nungi okuwa Envujo eragilwa mu kitundu ekyo 4.
- (b) Bwanayazikanga Ekibanjakye obo ekitundu kye kibanjakye oku funamu anagoba.
- (c) Bwanakozesanga obubi obuinza obwo obwanuwebwa mu kitundu ekyomwenda (a) okutema emiti obo okutyaba enku olwokukozesa ye kulalwa.
- (d) Bwanavanga mu kibanjakye nalema okuleka ekibanja ekyo mu mbera enungi.

B, Ate kului lwa Nanyini mailo:-

- (a) Bwanasabanga Obusulu nga ekisera ekiwerwemu tekinaba.
- (b) Bwanayagaranga okuziiza omukopi obutarima mere obo ebibala ebilala obo ebyo ebiri mu "Schedule" nga bwekigambidwa mu kitundu 4 ekyo 5 nekyo 6.
- (c) Bwanasaranga clukwe okugoba omukopi awatari kiragiro kya Wagombolola obanga akyali mu kisera ekyokujulila nga bwakiri mu kitundu 11 obo na kisera ekyokujurilakwe nga tekinaba kugwako.
- (d) Bwanatabulatabulanga ambera enungi eyomukopi asikide ekibanja ekyo nga empisa yansi bwari.

18. Huli anamenyanga ekitundu mu Teko lino nga bwekitegezebwa wagulu anainzanga okubonerezebwa no mutango ogutasuka Shs, 100/- nga zimubuze Gombolola enersbanga oyo aziza omusango okusibwako ekibonerezo ekyokusibibwa obutasuka myezi esatu nga akola nananyi obo okumusiba obusibi mu komera awatali kumukozesa mirimu nananyi.

19. Tewari kigambo kyona mu Teko lino ekinlowozebwanga nti kiziiza Nanyini mailo okuanyiwa Abakopibe obutawa Busulu obo empaza okubikenderako nga ye bwalabyo bwekisanide okulowozwa ku mbera yebwa nga bwari, naye kino kinsbanga mu buinzobe ye yaka.

20. Tewari kigambo kyona mu Teko lino ekigyawo eteko lya Mailo erya 1908.

21. Eteka eryokusolozwa omuselo erya 1904 linanyedwa.

21

22, Kteka lino liridibwamu okutesebwako oba okulijulula mu banga  
 erye myaka esatu nga teginagwako era no lupapula "Schedule" olumenya ebiba-  
 la ne Nvujo luvainzanga okujululwa Kabaka mu kisera kyona nga amaze oku-  
 tesa no Lukiko era nga n'Owekitibwa Gavana nga amaze okukiriza nga agobere-  
 la ebiganbo ebiri mu Ndagano enkulu eyo 1900 bwebiragira.

Lisibwako omukono omengo lero ku lunaku olwokuna olwo mwezi gwa  
 July, 1927.

Daudi Chwa,  
 KABAKA WA BUGANDA.

SECHEDULE NYOLUBERYEBEYE.

Pamba.  
 Mwanayi - Omukopi nga alima emiti gye Mwanayi egisuka ekumi obangi  
 egibala obulungi.

SECHEDULE NYOKUBILI.

| Amawale | Esaza                  | Busulu | Musimbi mu kifo Kyenvu                |   |
|---------|------------------------|--------|---------------------------------------|---|
|         |                        |        | Omusiri ogutasuka Eika emu, asokakuwa | Omusiri ogusuka Eika emu naye ogutasuka Eika satu aneyongera ngako okuva. |
| Mengo   | Amasaza gona           | 10/-   | 4/-                                   | 4/-   |
| Mutebhe | "                      | 10/-   | 4/-                                   | 4/-   |
| Masaka  | Buddu ne Keki          | 10/-   | 4/-                                   | 4/-   |
| do      | Kabula, Mawogola       | 10/-   | 2/-                                   | 2/-   |
| Mubende | Singo,                 | 10/-   | 4/-                                   | 4/-   |
| do      | Amasaza wasalala gona. | 10/-   | 2/-                                   | 2/-   |